

ՎԻՇՍՊԱՄԱՐՏԻ ԴՐԱՅՎՈՐՈՒԹՅՈՒՆԵՐԸ
,,ՍԱՍՆԱ ԾՈՒՐՈՒՄ,,

1. Վիշապամարտի միժուկոգմը հայ առասպելաբանության հնագույն և կայուն բաղադրիչներն է, որի մասին նախնական գրավոր վկայությունները վերաբերում են V դ. ծայր առնող գրական սկզբնական հուշարձաններին, մյուս կողմից՝ այն կենդանի ֆորառևում է բանավոր ավանդության մեջ առ ի XX դ.:

2. Բնական է, որ այս վաղնջական և հարակա միժուկոգմը դրսևորումներ գտներ հայ վիպական ավանդության մեջ և, մասավանդ, ամենամեծ վեպում՝ ,,Սասնա ծռերում,,:

3. Վիշապամարտը ,,Սասնա ծռերում,, դրսևորվում է երկու եղանակով.

ա/ ուղղակի՝ առասպելաբանական նկարագրով, և բ/ անուղղակի՝ վիպական պատմական խավավորումներով:

Առաջին եղանակով այդ միժուկոգմը հանդես է գալիս Սանասարի և եղբոր/ երկվորյակների/ հետ կապված վիպական մի քանի դրվագներում, երկրորդ եղանակով՝ Դավթի և Մարմելիքի մենամարտում:

4. Սանասարի վիշապամարտության դրվագներում մի կողմից երևան են գալիս հիսարեելյան / շումերական/ էտանա-միժին աղերսվող առասպելաբանական ողջ համալիրի հետագա դրսևորումները, որ գտնում ենք հեքիաթների միջազգային սյուժեներում/ ATh. 537/, մյուս կողմից՝ հին հնդկական ամպրոպային առասպելներում / Պինձե քաղաքից Սանասարի հարսնառության մոտիվները/:

5. Դավթի և Մարմելիքի հակամարտության, մենամարտի, Մարմելիքի սպանության դրվագներում՝ մարդեղինացած և խիստ պատմականացած հերոսների արարքների ընդերքում ընկած է հին հնդկական վիշապամարտի առասպելաբանական սյուժեն, հորինվածքի ու կառուցվածքի ընդողջ հատկանիշներով:

6. Թե երկվորյակ եղբայրների / Սանասարի և եղբոր/, թե Դավթի և Մարմելիքի վիպական սյուժեներում գործում են ոչ թե պատահական կամ եկամուտ առասպելաբանական մոտիվներ, այլ երևան է գալիս առասպելաբանական մի հնագույն, գորեղ հիմք, միասնական համակարգ ու տրամաբանություն, որն արտահայտվում է հերոսների ջրային ծագման, ջրից գորանալու, ջրից ձի, գենք ու զրահ ձեռք բերելու, ջրի ակուն-

քին տուն ու քաղաք կառուցելու, ջրի մեջ սպանվելու, ինչպես նաև ջրային կամ ջրարգել վիշապների դեմ նրանց մաքառելու և հաղթելու . առասպելաբանական իրավունքյուններում:

Հասմիկ Իսրայելյան

ԵՐԿՎՈՐՅԱՆ ԱՍՏՎԱԾՈՒԹՅՈՒՆՆԵՐԻ ԵՎ ,,ԹՈՒԽՄԱՆՈՒԿ-
ՆԵՐԻ,, ՓՈԽԱՌՆԱԶԱՅՈՒԹՅԱՆ ՀԱՐՑԻ ՇՈՒՐՋԸ

1. Հայաստանի մ.թ.ա. II - I հազ. պատկանող մի խումբ ժայռապատկերների և Վրաստանից գտնված քրոնոզե մի քանի գոտիների կոմպոզիցիաների քննարկումը բերում է այն հետևություն, որ Հայկական լեռնաշխարհում քրոնոզի դարում լայն տարածում է ունեցել երկվորյակ աստվածների պաշտամունքը: Այն գոյատևել է նաև Վանի թագավորության ժամանակաշրջանում և ներթափանցել հայ հեթանոսական միջավայրը, մարմնավորվելով ,, Թուխ Մանուկ,, անվանվող երկվորյակ կտրիմների կերպարում:

2. Երկպագվող Թուխմանուկները կրում են երկվորյակ աստվածներին բնորոշ բոլոր հատկանիշները:

Մանուկներին տրված ,, Թուխ,, ածականն ուղղակիորեն մատնանշում է նրանց կապը ջրի, անձրևի երևույթի հետ: Այդ առումով նրանք զուգահեռ են ,, Սասնա ծռերի,, երկվորյակ դյուցազուններ Սանասար-Բաղդասարին: Թուխ Մանուկին ևս վերագրվում են ջուր ստեղծելու կարողություններ: Հնդկական երկվորյակ աստվածներ Աշվինների նման նրանք էլ հանդես են գալիս իբրև առատություն ստեղծող, չբեր կանանց զավակ պարգևող գերբնական էակներ:

3. Թուխմանուկներին նվիրված միջնադարյան երգերում դիտվում է նաև նրանց եղանակ կարգավորելու կարողությունը և այդ առումով՝ Թուխ Մանուկի վիշապասպան էությունը, ինչպես Սանասար-Բաղդասարինը:

4. Մինչև մեր օրերը հարատևած շատ հուշարձաններին/խաչքարեր, մատուռներ և այլն/ տրված ,, Թուխ Մանուկ,, անունը, հավանաբար, ծագել է ի սկզբանե, երկվորյակ Թուխմանուկներին վերագրվող գերբզմաններից, որոնք, իբրև կանոն, սարքվում էին ջրերի մոտ: Պետք է ենթադրել, որ դա արվում էր /ինչպես ցույց են տալիս՝ ուսումնասիրողները / ոչ միայն այդ գերբզմանները մշտապես խոնավ պահելու համար՝ անձրև ստանալու միտումով, այլև այն պատճառով, որ, ըստ հների պատկերացումների, երկվորյակների ոչ միայն ծնունդն էր կապված ջրի